

9. Transcriptie bij afbeelding *Der leken spiegel*
(kleurkatern V, nr. 1, t.o. pag. 168, nr. 1)

(Linkerkolom:)

God die *sonder*

beghin es.

Ende *sonder* ende

gheluste des

In *sijn* godlike

milde rueren

Dat hi *maecte*

creatures.

Ende dat en dede hi daer om niet

Dat hi hems behoefde yet

Maer om dat hi hem woude

Sine ghifte ende *sine* vroude

Gheuen ende tonen *mildelike*

Biede hier ende in *hemelrike*

Want eer hemel of aerde waren

Of yet dat *men* daer in siet baren

So was god zonder *beghin*

Also *machtich* meer noch *min*

Ende in also groter *blijscapen*

Also doe hijt al hadde *ghescapen*

Ende dat alle dese *dinghen*

Weder te *niete* *ghinghen*

Ende *ynghede* ende *menschen* *ghemene*

Ende niet en bleue dan hi *allene*

Sine macht ende sine glorie *daer* af
En warens te minder niet een *caf*
Onder allen creaturen
En heeft god mar twee naturen
Redenlijc verstaen ghegeuen
Ja ende ooc ewelijc leuen
Dats dinghel *ende* die ziele smenschen
Die onse here na wenschen
Maecte ende formeerde
Alsooc sine wijsheit ordineerde
Hemel water lucht berch *ende* dal
Meacte god van niete al
Ende die ynghele *daer* toe mede
Mar die menschelichede
Maecte hi in een ander maniere
Dats van elementen viere